

藥師琉璃光如來本願功德經 恭

大唐三藏法師玄奘 譯

如是我聞一時薄伽梵遊化諸國至廣嚴城住樂音樹下與大苾芻眾八千人俱菩薩摩訶薩三万六千及國王大臣婆羅門居士天龍藥叉人非人等無量大眾恭敬圍繞而為說法尔時勇殊室利法王子承佛威神從座而起偏袒一肩右膝著地向薄伽梵曲躬合掌白言世尊惟願演說如是相類諸佛名号及本大願殊勝功德令諸聞者業障銷除為欲樂像法轉時諸有情故

尔時世尊讚勇殊室利童子言善哉善哉勇殊室利汝以大悲勸請我說諸佛名号本願功德為拔業障所經有情利益安樂像法轉時諸有情故汝今諦聽極善思惟當為汝說勇殊室利言唯然願說我等樂聞佛告勇殊室利東方去此過十殑伽沙等佛土有世界名淨琉璃佛号藥師琉璃光如來應正等覺明行圓滿

善逝世間解無上丈夫調御士天人

師佛薄伽梵勇殊室利彼佛世尊藥

師琉璃光如來本行菩薩道時發十大願令諸有情所求皆得

第一大願願我來世得阿耨多羅三藐三菩提時自身光明熾然照曜无量無數无边世界以三十二大丈夫相八十随好莊嚴其身令一切有情如我無異

第二大願願我來世得菩提時身如琉璃内外明徹淨无瑕穢光明廣大功德巍巍身善安住焰網莊嚴過於日月幽冥眾生悉蒙開曉隨意所趣作諸事業

第三大願願我來世得菩提時以无量无边智慧方便令諸有情皆得无盡所受用物莫令眾生有所乏少

第四大願願我來世得菩提時若諸有情行邪道者悉令安住菩提道中若行聲聞獨覺乘者皆以大乘而安立之

第五大願願我來世得菩提時若有無量无边有情於我法中修行梵行一切皆令得不缺戒具三聚戒設有毀犯聞我名已還得清淨不墮惡趣

第六大願願我來世得菩提時若諸有情其身下劣諸根不具醜陋頑愚盲聾瘡癩癰癩背偻白癩癩狂種種病苦聞我名已一切皆得端正點慧諸根完具无諸疾苦

第七大願願我來世得菩提時若諸有情眾病逼切無救無歸无醫无藥無親无家貧窮多苦我之名号一經其耳病悉得除身心安樂家屬資具悉皆豐足乃至證得无上菩提

第八大願願我來世得菩提時若有女人為女百惡之所逼惱極生厭離願捨女身聞我名已一切皆得轉女成男具丈夫相乃至證得無上菩提

第九大願願我來世得菩提時令諸有情出魔羅網解脫一切外道纏縛若墮種種惡見稠林皆當引攝置於正見漸令修習諸菩薩行速證無上正等菩提

第十大願願我來世得菩提時若諸有情在法所錄縲縛鞭撻繫閉牢獄

或當刑戮及餘無量災難凌辱悲愁煎迫身心受苦若聞我名以我福德威神力故皆得解脫一切憂苦

第十一大願願我來世得菩提時若諸有情飢渴所惱為求食故造諸惡業得聞我名專念受持我當先以上妙飲食飽足其身後以法味畢竟安樂而建立之

第十二大願願我來世得菩提時若諸有情貧無衣服蚊蠅寒熱晝夜逼惱若聞我名專念受持如其所好即得種種上妙衣服亦得一切寶莊嚴具花鬘塗香鼓樂眾伎隨心所說皆令滿足

鼻殊室利是為彼世尊藥師琉璃光如來應正等覺行菩薩道時所發十二微妙上願

復次鼻殊室利彼世尊藥師琉璃光如來行菩薩道時所發大願及彼佛土功德莊嚴我若一劫若一劫餘說不能盡然彼佛土一向清淨無有女人亦無惡趣及苦音聲琉璃為地金網界道城闕宮閣軒窓羅網皆七寶

成亦如西方極樂世界功德莊嚴等無差別於其國中有二菩薩摩訶薩一名日光遍照二名月光遍照是彼無量無數菩薩眾之上首志能持彼世尊藥師琉璃光如來正法寶藏是故鼻殊室利諸有信心善男子善女人等應當願生彼佛世界

爾時世尊復告鼻殊室利童子言鼻殊室利有諸眾生不識善惡唯懷貪恡不知布施及施果報愚癡无智關於信根多聚財寶勤加守護見乞者來其心不喜設不獲已而行施時如割身肉深生痛惜復有無量慳貪有情積集資財於其自身尚不受用何況能與父母妻子奴婢作使及來乞者彼諸有情從此命終生餓鬼界或傍生趣由昔人間曾得暫聞藥師琉璃光如來名故念在惡趣暫得憶念彼如來名即於念時從彼處沒還生人中得宿命念畏惡趣苦不樂欲樂好行惠施讚歎施者一切所有悉無貪惜漸次尚能以頭目手足血肉身分施來求者况餘財物

復次鼻殊室利若諸有情雖於如來受諸學處而破尸羅有雖不破尸羅而破軌則有於尸羅軌則雖得不壞然毀正見有雖不毀正見而棄多聞於佛所說契經深義不能解了有雖多聞而增上慢由增上慢覆蔽心故自是非他嫌謗正法為魔伴黨如是愚人自行邪見復令無量俱足有情墮大險坑此諸有情應於地獄傍生鬼趣流轉無窮若得聞此藥師琉璃光如來名号便捨惡行修諸善法不墮惡趣設有不能捨諸惡行修行善法墮惡趣者以彼如來本願威力令其現前暫聞名号從彼命終還生人趣得正見精進善調意樂便能捨家趣於非家如來法中受持學處无有毀犯正見多聞解甚深義離增上慢不謗正法不為魔伴漸次修行諸菩薩行速得圓滿

復次鼻殊室利若諸有情慳貪嫉妬自讚毀他當墮三惡趣中无量千歲受諸劇苦受劇苦已從彼命終來生人間作牛馬駝驢恒被鞭撻飢渴逼

藥師本願功德經 第七卷 恭

惱又常負重隨路而行或得為人生居下賤作人奴婢受他駝伎恒不自在若昔人中曾聞世尊藥師琉璃光如來名号由此善因今復憶念至心歸依以佛神力眾苦解脫諸根聰利智慧多聞恒求勝法常遇善友永斷魔羅破无明翳竭煩惱河解脫一切生老病死憂悲苦惱

復次鼻殊室利若諸有情好喜乖離更相鬪訟惱乱自他以身語意造作增長種種惡業展轉常為不饒益事于相謀害告言山林樹塚等神殺諸眾生取其血肉祭祀藥叉羅刹娑等書怨人名作其形像以惡呪術而呪詛之獻媚蠱道呪起屍鬼令斷彼命及壞其身是諸有情若得聞此藥師琉璃光如來名号彼諸惡事悉不能害一切展轉皆起慈心利益安樂無損惱意及嫌恨心各各歡悅於自所受生於喜足不相侵凌于為饒益復次鼻殊室利若有四眾苾芻苾芻尼鄒波索迦鄒波斯迦及餘淨信善男子善女人等有能受持八分齋戒

藥師本願功德經 第八卷 恭

或經一年或復三月受持學處以此善根願生西方極樂世界无量壽佛所聽聞正法而未定者若聞世尊藥師琉璃光如來名号臨命終時有八菩薩乘神通來示其道路即於彼界種種雜色眾寶花中自然化生或有因此生於天上雖生天中而本善根亦未窮盡不復更生諸餘惡趣天上壽盡還生人間或為輪王統攝四洲威德自在安立無量百千有情於十善道或生刹帝利婆羅門居士大家多饒財寶倉庫盈溢形相端嚴眷屬具足聰明智慧勇健威猛如大力士若是女人得聞世尊藥師如來名号至心受持於後不復更受女身

尔時鼻殊室利童子白佛言世尊我當擔於像法轉時以種種方便令諸淨信善男子善女人等得聞世尊藥師琉璃光如來名号乃至睡中亦以佛名覺悟其耳世尊若於此經受持讀誦或復為他演說開示若自書若教人書恭敬尊重以種種花香塗香栴香燒香花鬘瓔珞幡蓋伎樂而為

藥師本願功德經 第九卷 恭

供養以五色綵作囊盛之掃灑淨處敷設高座而用安處尔時四大天王與其眷屬及餘无量百千天眾皆詣其所供養守護世尊若此經寶流行之處有能受持以彼世尊藥師琉璃光如來本願功德及聞名号當知是處無復橫死亦復不為諸惡鬼神奪其精氣設已奪者還得如故身心安樂佛告鼻殊室利如是如是如汝所說鼻殊室利若有淨信善男子善女人等欲供養彼世尊藥師琉璃光如來者應先造立彼佛形像敷清淨座而安處之散種種花燒種種香以種種幢幡莊嚴其處七日夜受持八分齋戒食清淨食澡浴香潔著新淨衣應生无垢濁心无怒害心於一切有情起利益安樂慈悲喜捨平等之心鼓樂歌讚右遶佛像復應念彼如來本願功德讀誦此經思惟其義演說開示隨所樂願一切皆遂求長壽得長壽求富饒得富饒求官位得官位求男女得男女若復有人忽得惡夢見諸惡相或怖鳥來集或於住處百恠

出現此人若以衆妙資具恭敬供養
彼世尊藥師琉璃光如來者惡夢惡
相諸不吉祥皆悉隱沒不能為患或
有水火刀毒懸嶮惡為師子虎狼熊
羆毒蛇惡蜈蚣蠍蚊毒等怖若能
至心憶念彼佛恭敬供養一切怖畏
皆得解脫若他國侵擾盜賊反亂憶
念恭敬彼如來者亦皆解脫
復次男殊室利若有淨信善男子善
女人等乃至盡形不事餘天惟當一
心歸佛法僧受持禁戒若五戒十戒
菩薩四百戒苾芻二百五十戒苾芻
尼五百戒於所受中或有毀犯怖墮
惡趣若能專念彼佛名号恭敬供養
者必定不受三惡趣生或有女人臨
當產時受於極苦若能至心稱名禮
讚恭敬供養彼如來者衆苦皆除所
生之子身分具足形色端正見者歡
喜利根聰明安隱少病无有非人奪
其精氣
余時世尊告阿難言如我稱揚彼佛
世尊藥師琉璃光如來所有功德此
是諸佛甚深行處難可解了汝為信

不阿難白言大德世尊我於如來所
說契經不生疑惑所以者何一切如
來身語意業无不清淨世尊此日月
輪可令墮落如高山王可使傾動諸
佛所言无有異也世尊有諸衆生信
根不具聞說諸佛甚深行處作是思
惟云何但念藥師琉璃光如來一佛
名号便獲尔所功德勝利由此不信
反生誹謗彼於長夜失大利樂墮諸
惡趣流轉无窮佛告阿難是諸有情
若聞世尊藥師琉璃光如來名号至
心受持不生疑惑墮惡趣者無有是
處阿難此是諸佛甚深所行難可信
解汝今能受當知皆是如來威力阿
難一切聲聞獨覺及未登地諸菩薩
等皆悉不能如實信解唯除一生所
繫善薩阿難人身難得於三寶中信
敬尊重亦難可得得聞世尊藥師琉
璃光如來名号復難於是阿難彼藥
師琉璃光如來无量善薩行無量善
巧方便无量廣大願我若一劫若一
劫餘而廣說者劫可速盡彼佛行願
善巧方便無有盡也

余時衆中有一善薩摩訶薩名曰救
脫即從座起偏袒右肩右膝著地曲
躬合掌而白佛言大德世尊像法轉
時有諸衆生為種種患之所困厄長
病羸瘦不能飲食喉膈乾燥見諸方
暗死相現前父母親屬朋友知識啼
泣圍遶然彼自身卧在本處見琰魔
使引其神識至于琰魔法王之前然
諸有情有俱生神隨其所作若罪若
福皆具書之盡持投與琰魔法王尔
時彼王推問其人算計所作隨其罪
福而處斷之時彼病人親屬知識若
能為彼歸依世尊藥師琉璃光如來
請諸衆僧轉讀此經然七層之燈懸
五色續命神幡或有是處彼識得還
如在夢中明了自見或經七日或二
十一日或三十五日或四十九日彼識
還時如從夢覺皆自憶知善不善業
所得果報由自證見業果報故乃至
命難亦不造作諸惡之業是故淨信
善男子善女人等皆應受持藥師琉
璃光如來名号隨力所能恭敬供養
余時阿難問救脫善薩曰善男子應

藥師本願功德經 第三卷 卷

云何恭敬供養彼世尊藥師琉璃光
 如來續命幡燈復云何造救脫菩薩
 言大德若有病人欲脫病苦當為其
 人七日七夜受持八分齋戒應以飲
 食及餘資具隨力所辦供養苾芻僧
 晝夜六時禮拜供養彼世尊藥師琉
 璃光如來讀誦此經四十九遍然四
 十九燈造彼如來形像七軀一一像
 前各置七燈一一燈量大如車輪乃
 至四十九日光明不絕造五色綵幡
 長四十九搩手應放雜類眾生至四
 十九可得過度危厄之難不為諸橫
 惡鬼所持

復次阿難若刹帝利灌頂王等災難
 起時所謂人眾疾疫難他國侵逼難
 自界叛逆難星宿變恠難日月薄蝕
 難非時風雨難過時不雨難彼刹帝
 利灌頂王等今時應於一切有情起
 慈悲心放諸繫閉依前所說供養之
 法供養彼世尊藥師琉璃光如來由
 此善根及彼如來本願力故令其國
 界即得安隱風雨順時穀稼成熟一
 切有情无病歡樂於其國中无有暴

藥師本願功德經 第十四卷 卷

虐藥叉等神惱有情者一切惡相皆
 即隱沒而刹帝利灌頂王等壽命色
 力無病自在皆得增益阿難若帝后
 妃主諸君王子大臣輔相中官采女
 百官黎庶為病所苦及餘厄難亦應
 造立五色神幡然燈續明放諸生命
 散雜色花燒眾名香病得除愈眾難
 解脫

尔時阿難問救脫菩薩言善男子云
 何已盡之命而可增益救脫菩薩言
 大德汝豈不聞如來說有九橫死耶
 是故勸造續命幡燈修諸福德以修
 福故盡其壽命不經苦患阿難問言
 九橫云何救脫菩薩言有諸有情得
 病雖輕然无醫藥及看病者設復遇
 醫投以非藥實不應死而便橫死又
 信世間邪魔外道妖嬖之師妄說禍
 福便生恐動心不自正卜問覓禍煞
 種種眾生解奏神明呼諸魍魎請乞
 福祐欲冀延年終不能得愚癡迷惑
 信邪倒見遂令橫死入於地獄无有
 出期是名初橫二者橫被王法之所
 誅戮三者畋獵嬉戲耽淫嗜酒放逸

藥師本願功德經 第十五卷 卷

无度橫為非人奪其精氣四者橫為
 火焚五者橫為水溺六者橫為種種
 惡獸所啖七者橫墮山崖八者橫為
 毒藥麻禱呪詛起屍鬼等之所中害
 九者飢渴所困不得飲食而便橫死
 是為如來略說橫死有此九種其餘
 復有无量諸橫難可具說
 復次阿難彼琰魔王主領世間名籍
 之記若諸有情不孝五逆破辱三寶
 壞君臣法毀於信戒琰魔法王隨罪
 輕重考而罰之是故我今勸諸有情
 然燈造幡放生修福令度苦厄不遭
 眾難

尔時眾中有十二藥叉大將俱在會
 坐所謂
 宮毗羅大將 伐折羅大將 迷企羅大將
 安底羅大將 頰你羅大將 珊底羅大將
 因達羅大將 波夷羅大將 摩虎羅大將
 真達羅大將 招柱羅大將 毗羯羅大將
 此十二藥叉大將一一各有七千藥叉
 以為眷屬同時舉聲白佛言世尊我
 等今者蒙佛威力得聞世尊藥師琉
 璃光如來名号不復更有惡趣之怖

我等相率皆同一心乃至盡形歸佛法僧擔當荷負一切有情為作義利饒益安樂隨於何等村城國邑空閑林中若有流布此經或復受持藥師琉璃光如來名号恭敬供養者我等眷屬衛護是人皆使解脫一切苦難諸有願求悉令滿足或有疾厄求度脫者亦應讀誦此經以五色纒結我名字得如願已然後解結
尔時世尊讚諸藥叉大將言善哉善哉大藥叉將汝等念報世尊藥師琉璃光如來恩德者常應如是利益安樂一切有情
尔時阿難白佛言世尊當何名此法門我等云何奉持佛告阿難此法門名說藥師琉璃光如來本願功德亦名說十二神將饒益有情結願神咒亦名拔除一切業障應如是持時薄伽梵說是語已諸菩薩摩訶薩及大聲聞國王大臣婆羅門居士天龍藥叉捷達縛阿素洛揭路荼緊捺洛莫呼洛伽人非人等一切大衆聞佛所說皆大歡喜信受奉行

藥師琉璃光如來本願功德經

癸卯歲高麗國大藏都監奉勅恩造

藥師琉璃光如來本願功德經

校勘記

- 一 底本，麗藏本。
- 一 三七八頁上二行首字「大」，資、磧、南、徑、清無。
- 一 三七八頁中一行「丈夫調御士」，徑、清作「士調御丈夫」。
- 一 三七八頁中二行第一一字「佛」，資、磧、南、徑、清無。
- 一 三七八頁中二〇行第二字「行」，磧、南作「有」。
- 一 三七八頁下一行「病悉得除」，資、磧、南、徑、清作「衆病悉除」。
- 一 三七八頁下末行第七字「縲」，資、磧、南、徑、清作「繩」。
- 一 三七九頁中一六行末字「傍」，徑、清作「旁」，下同。
- 一 三七九頁中一八行第六字「念」，資、磧、南、徑、清作「今」。
- 一 三七九頁下六行第四字「增」，徑作「憎」。

一 三七九頁下一八行第八字「伴」，

資、磧、南、徑、清作「伴黨」。

一 三八〇頁上一行第三字「常」，磧作「當」。

一 三八〇頁上四行第九字「今」，資、磧作「令」。

一 三八〇頁上一三行「羅刹婆」，磧、南作「邏刹婆」；徑、清作「羅刹婆」。

一 三八〇頁上一五行首字「詛」，磧、南、徑、清作「咀」，下同。

一 三八〇頁中一行首字「或」，資、磧、南、徑、清無。

一 三八〇頁下一四行第一二字「持」，資、磧、南、徑、清無。

一 三八〇頁下一九行第四字「讀」，資、磧、南、徑、清作「讚」。

一 三八一頁中一〇行第二字「趣」，資、磧作「趣長」。

一 三八一頁下二行「祖右」，資、磧、南、徑、清作「袒」。

一 三八一頁下七行第五字「彼」，資、

磧作「後」。

一 三八二頁上九行第四字「七」，資、磧作「十」。

一 三八二頁上一六行第一三字「薄」，資、磧作「博」。

一 三八二頁中一行首字「虐」，資、磧、南、徑、清作「惡」。

一 三八二頁中四行第一三字「采」，資、磧、南、徑、清作「姝」。

一 三八二頁中一四行第一〇字「有」，南、徑、清作「若」。

一 三八二頁下一六行第六字「伐」，資作「代」。

一 三八三頁上一行第四字「率」，資作「卒」。